

Парижда Қуръони Каримнинг нодир қўлёзмалари тақдимоти ўтказилди



11:20 / 07.11.2023 1500

Париждаги араб маданияти кўрғазмасида Қуръони Каримнинг нодир қўлёзмалари тақдимоти турли мамлакатлардан ташриф буюрувчиларда катта қизиқиш уйғотди. Бу ҳақда «Al-Arabiya» нашри хабар берди.

Қўлёзма стенида ҳижрий 5-асрга оид Қуръони Каримнинг махсус зарҳал безакларга эга нусхаси, шунингдек, ҳижрий 580 йилда ёзилган араб тилидаги тиббий китоблар ўрин олган.

Бундан ташқари, ушбу кўрғазмада исломий ва тарихий асарларнинг бошқа қўлёзмалари ҳам намойиш этилди. Тарихий қўлёзмалар ташриф буюрувчилар, тадқиқотчилар ва ихлосмандларнинг эътиборини тортди.

Саудия Арабистони Ташқи ишлар вазирлигига қарашли маданий ташкилот ва муассасалар иштирок этган Саудия Арабистони маданият кўрғазмаси 28 октябрь куни бошланган ва 10 ноябргача давом этади.